



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

2114. Markgraf Johann ertheilt der Stadt Crossen, welche ganz in Feuer
aufgegangen, im eignen Namen und Namens seiner Schwester der
Herzogin Barbara von Schlesien den Erlaß ihrer Abgaben und ...

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

2114. Markgraf Johann ertheilt der Stadt Crossen, welche ganz in Feuer aufgegangen, im eignen Namen und Namens seiner Schwester der Herzogin Barbara von Schlesien den Erlaß ihrer Abgaben und allgemeinen Indulß wegen der vor dem Brande contrahirten Schulden, am 29. September 1482.

Wir Johannis etc., Bekennen offentlich mit diesem briue vor vns vnser erben vnd nachkomen vnd sunst vor Allermeniglich, die jn sehen horen oder lesen, das wir angesehen vnd erkant haben den grossen verderb vnd schaden, so vnser lieben getrewen Borgermeister, Rathmann vnd gemeine burgere der Stat Crossen von eynleging wegen fewrs, da durch die Statt jn vergangen tagen ganz aufzgebrant vnd jn verderb gelatzt ist, haben genomen vnd vff das die Inwoner vnd gemeyne Burger czu Crossen wider die Stat besetzen vnd dest statlicher bawen Mogen, haben wir von wegen der hochgebornen furstin frowen Barbara geborne Marggraffin von Brandenburg herczogin czu Slesien etc., vnser liben Swester, Auch vnsern halben die gemelten jnwoner vnd gemeyne Burger der Statt Crossen befreytt vnd befreyen sy sechs Jar nach dato dits briues nechst nach einander volgend vnd Geben jn dar czu vnser sicher, vehlich vnd vngeuerlich geleit vor alle vnd ichliche jre schuldiger vnd Gloubner jnn vnd mit Craft dits briues, vnd sunderlich befreyen wir sy souill des an vns ist fur alle vnd igliche czinz vnd gelt pfleg, so sie jerlichen vns oder andern von sich geben sollen, die jnwendig sechs Jaren wie oben berurt nicht zu geben, Auch fur alle vnd igliche jre gloubner vnd schuldiger, Nemlich der schult halben, so vor dem Brant gemacht vnd betagt sind gewesen, vnd Begern darauff von allen vnd iglichen Richtern geistlichen vnd werntlichen vnd sunst allen andern, den vnsern jn vnsern landen vnd dy hirmit ersucht werdenn gutlich gefinnende vnd den vnsern werntlichen ernstlich beuelhende jn bestimpter czeit vber die genanten jnwoner jr hab vnd gut nicht czu richten noch czubekomern, euch auch an jnen, jr hab vnd gut nicht czuuegreiffen, sondern sie obgemelter vnser freyung genissen czu lassen; daran geschicht vns von den geistlichen richtern sunderns dancknemens gefallen, vnd wollens von den vnsern werntlichen ernstlich gehalten haben, vnd des czu Vrkund mit vnserm etc. actum Coln an der Sprew, am tag michaelis, Anno domini etc. LXXXII^{ten}.

Nach dem Kurmärk. Lehn- u. Copialbuche d. K. Geh. Kab. Archivs XXV, 26.

2115. Georg von Stein bevollmächtigt als K. Anwald den Burggrafen Abraham, in Crossen und Bowersberg die Erbhuldigung für den König zu empfangen und die Einwohner an die Markgrafschaft Brandenburg als Pfandherrschaft zu verweisen, am 2. October 1482.

Ich George von Stein zu Czofzen, Königlicher Anwald, in der Schlesien zu Schweinitz Haupt Mann, in Ober vnd Nieder Lausenitz Voigt, Entbiethen den Ehrbaren wol-